

POPERA GA YUDA ÜMATÜXÜ

Yema yaxõgüxü narümoxê ga Yuda

¹ Pa Yaxõgüxü i Guxüwama Ngëxmagüxü, choma i Yuda nixi i pexcèx chanaxümatüxü i ñaã popera. Rü choma nixi i Chaütiágueneë chiixü, rü Ngechuchu ya Cristuarü duixü chixi. Rü pexcèx chanaxümatü i pema na Tanatü ya Tupana pexü dexü rü pexü ngechaixü rü Ngechuchu ya Cristu pexna dauxü.

² Rü pexcèx chayumüxê na guxüguma Tupanaãxü pengechaütümüügüxcèx, rü pexü nataãxêëgüxcèx, rü pexü nangechaixüxcèx.

Duixügu i doramaã ngüxêëtaegüxüchiga

³ Pa Chaueneëgu ya Pexü Changechaügüxex, noxri rü poraãcü choxü nangüchaü na pexcèx chanaxümatüxü nachiga i ngëma maxü i taguma gúxü i tüxü ngëxmaxü. Natürü ñuxma na petanügu nachocuxü i ñuxre i duixügu i íyatoxêëgüchaixü i Tupanaârü ore, rü ngëmacèx chanaxwexe na pexcèx chanaxümatüxü na pexü chaxucüxêxüxcèx rü ípenapoxüxcèx i ngëma ore i aixcüma ixixü ga nuxcüma wüxicanatama Tupana norü duixügüna ãxü.

⁴ Rü ngëma duixügu i pexü nawomüxêëcüma petanügu chocuxü nixi i pexü ngüxêëxü rü ñaxü: “Tupana rü namecümaxüchi rü ngëmacèx täütáma pexü napoxcue ega woo chixri pemaxëgu”, ñaxü. Rü ngëxgumarüü ta tama nüxü nacüëxgüchaü ya tórü Cori ya Ngechuchu ya

Cristu ya tórü yora ixĩcü. Natürü ngẽma duũxũgũ i ngẽmaãcü maxẽxũ, rü woetama nuxcümama Tupanaãrũ ore i ümatũxũwa rü marũ nüxũ nixu na Tupana tá napoxcuexũ.

⁵ Rũ woo na marũ nüxũ pecuáxũ natürü pexna nüxũ chacuèxãchixẽchaũ na ñuxãcü namaã nangupetũxũ ga yema nuxcũmaũgũxũ ga Yudũgũ ga Moĩchéwe rüxĩxũ. Rũ tórü Cori ya Tupana rü poraãcü nüxũ narũngũxẽẽ na Equituanewa Ínangũxũxçèx, natürü yixcama rü nanadai ga yema tama naga Ìnũèchaũxũ.

⁶ Rũ ngẽxgumarũũ ta pexna nüxũ chacuèxãchixẽẽ na ñuxãcü namaã nangupetũxũ ga yema daxũcũãx ga orearũ ngeruũgũ ga noxri ixũünechiréxũ natürü yixcama nagagutama pecadu ügũxũ. Rũ yemacèx ga Tupana rü èãnexũwa nanawogũ, rü ngẽxma nanapoxcue ñuxmatáta nawa nangu i ngẽma ngunexũ i nagu tũxũ yacagũxũ.

⁷ Rũ yexgumarũũ ta nüxũ nangupetũ ga guma Ìãnegũ ga Chodoma rü Gomora rü guma Ìãnegũ ga norũ ngaicamagugũne. Yerũ guma Ìãnecũãxgũ, rü poraãcü chixri nũgũmaã namaxẽ, rü yemacèx ga Tupana rü üxũmaã Ínanagu. Rũ yemaãcü inayanaxoxẽẽ ga guma Ìãnegũ na yemawa tũxũ nüxũ nacuèxẽèxçèx na nangẽxmaxũ i wũxi i poxcu naxçèx i guxũma i ngẽma chixexũ ügũxũ.

⁸ Natürü woo ngẽmaxũ na nacuèxgũxũ i ngẽma idoraexũ i petanũgu chocuxũ, natürü norũ chixexũgu narũxĩnũèãma. Rũ poraãcü chixri nũgũmaã namaxẽ, rü tama tórü Cori ya Tupanaga naxĩnũèchaũ, rü chixri Tupanaãrũ orearũ ngeruũgũ i daxũcũãxchigagu nidexagũ.

⁹ Rū ngēma duūxūgū rū naēchitamare nidexagū rū tama Tupanaārū orearū ngeruū ga Miguérerūū nūgūna nadau i norū orewa. Rū guma Miguére rū woo guxū i Tupanaārū orearū ngeruūgū i daxūcūāxārū āēxgacū na yīxū, natürū tama ngoxo ga Chatanámaā naguxchiga ga yexguma Moīchéxūnecèx yéma nūgūmaā yaporagatanūcūūxgu, na nūxū nacuèxgūxūcèx na texearū tá yīxū ga Moīchéxūne. Natürū nūma ga Miguére rū ñanagürūmare:

“Cori ya Tupana tá cuxū nanga”,
ñanagürūmare.

¹⁰ Natürū ngēma duūxūgū i doramaā i petanūgu chocuxū, rū tama Tupanaxū nacuèxgūācūma chixri nachiga nidexagū, rū chixri norū orearū ngeruūgū i daxūcūāxchiga nidexagū. Rū ñoma naēxūgürūū naxūneārū ngúchaūwemare narūxī, rū ngēmaācū namaxē. Natürū ngēma chixexū i naxūgūxūcèx, rū Tupana tá nanapoxcue.

¹¹ Rū wūxi i ngechaūxūchi nixī naxcèx i ngēma duūxūgū erū ngēmaācū namaxē. Rū Caī ga naēneēxū imáxūrūū nixīgū. Rū āēxgacū ga Baráūrūū dīērucèx chixexū naxūgū. Rū Corérūū tama Tupanaga naxīnūēchaū, rū ngēmacèx Tupana tá nanapoxcue.

¹² Rū ngēxguma tupaucawa tórū Coriarū ōnacèx pengutaquēxegūgu, rū wūxi i ānexūchi nixīgū. Erū narūcutanūxū, rū poraācū nachibūe rū naxaxegū, rū nūgūguxicatama narūxīnūē. Rū ñoma caixanexū i ngearū pucūāxū i paanexūētūwa ūpetūxū natürū tama nanetūxū ixaiyagūxūrūū taxuwama nime. Rū ngēma nanetūgū i ngēxguma norū owa nanguxgu rū tama ixoxūrūū nixīgū. Rū ñoma naīgū

i guxũma i naxchúmèxãmaã napuxũ rü yuxu-chixũrũũ taxuwama nime i ngẽma duũxũgü.

13 Rũ ñoma yuape i taxũ i norü chixixũ i ãũächixũ naxãnacüwa yataxũrũũ nixĩgü, erü poraãcü chixexũ naxũgü. Rũ ñoma woramacurigü ya nu ne naxĩmarecürũũ nixĩgü. Natürü Tupana rü marü namaã nanaxuegu na ngẽma waanexũchixũwa guxũgutáma nawogũãxũ.

14-15 Rũ nuxcümaũcü ga Enó ga Adáũtaa ixĩcü rü ngẽma duũxũgüchiga nidexa ga yexguma Tupana yadexaxẽegu, rü ñanagürü:

“Rũ nüxũ chadau ya Cori ya Tupana na muxũchixũ i norü orearü ngeruũgü i daxũcüãxmaã núma ücü na duũxũgüna naçaxũcèx i norü maxũchiga rü napoxcueãxũcèx i guxũma i ngẽma duũxũgü i chixexũ ügüxũ rü namaã guxchigagüxũ”,

ñanagürü.

16 Rũ ngẽma duũxũgü rü tacüçèx idex-agüwèxexũchixũ nixĩgü, rü toguãxũ ixuxwèxegüxũchixũ nixĩgü. Rũ noxrütama ngúchaũcèx daugüxũ nixĩgü. Rũ nügü icuèxüũgüxũ nixĩgü. Rũ nümaxũ meã tümachiga nidexagünetá ya duũxègü, na tümaxũtáwa tacü na nayauxgüxũcèxmare.

Yuda nayaxucuxègü ga yema yaxõgüxũ

17 Pa Chaueneègü ya Pexũ Changechaũgüxex, jñuxna pecuèxãchie ga yema ore ga pemaã nüxũ yaxugügüxũ ga tórü Cori ya Ngechuchu ya Cristuarü ngúexũgü ga imugüxũ!

18 Rũ nümagü rü ñanagürügü pexũ:

“Ngëxguma nagúxchaũgu i naãne rü tá nangëxma
i duũxũgü i tá nüxũ cugüexũ i Tupanaãrũ
ore rü noxrütama ngúchaũ i chixexũgumare
maxëxũ”,
ñanagürügü pexũ.

19 Rũ ngëma duũxũgü nixĩ i pexũ itoyexũ na
tama wüxigu perüxĩnüëxüçèx rü tama meã
peyaxõgüxüçèx. Rũ nümagü rü naxũneãrũ
ngúchaũwe narüxĩ, rü tama nawa nangëxma i
Tupanaãe i Üünexũ.

20 Natürü pemax, Pa Chaueneëgü ya Pexũ
Changechaũgüxex, ¡rũ pegü perüngüxëëx na
guxũguma yexeraãcü nagu pexĩxũ rü peyaxõgüxũ
i ngëma ore i üünexũ i marü peyaxgüxũ! ¡Rũ
guxũguma Tupanaãe i Üünexũãrũ ngüxëëmaã
peyumüxëgü!

21 ¡Rũ guxũguma nagu pexĩ i ngema Tupanaarũ
ngechaxũ! ¡Rũ meã ípenanguxëëx i ngëma ngunexũ
i nagu tá núma naxũxũ ya tórü Cori ya Ngechuchu
ya Cristu na nüxũ ingechaũtümüũgüãcüma tũxna
naxããxüçèx i maxũ i taguma gúxũ!

22 ¡Rũ pexũ nangechaũtümüũgü i ngëma tama
aixcüma yaxõgüxũ, rü nüxũ perüngüxëëgü na meã
yaxõgüãxüçèx!

23 Rũ togü, ¡rũ paxa norü pecaduwa ípenayaxuchi
na namaxëxüçèx rü tama yima üxü ya Tupana
mexënegu yanatauxexüçèx! Rũ woo ngëma tama
yaxõgüchaũxũ, ¡rũ pexũ nangechaũtümüũgü!
¡Natürü pegüna pedaugü na tama norü chixexũgu
peyixüçèx! Rũ ngëma norü chixexũ i pexcèx
mexcüraxüxũ, ¡rũ nüxũ pexo!

Tupanaxũ yacuèxüũãcüma inayacuèxëë ga norü

popera

²⁴⁻²⁵ Rū yima wūxitama ya Tupana ya tórū Maxēxēēruŭ ixīcū, rū nūxŭ nangēxma i pora na pexna nadauxŭcèx na tama pecadugu peyixŭcèx. Rū nūxŭ nangēxma i pora na iyanaxoxēēāxŭcèx i guxŭma i perū chixexŭgū na petaāēgūācūma nūgŭpēxewa pexŭ nagagŭxŭcèx i ngextá āēxgacū íyīxŭwa. Rū ngēmacèx tanaxwèxe i tórū Cori ya Ngechuchu ya Cristuégagu Tupanaxŭ ticuèxŭgū, erū nūma rū guxŭārū yexera name rū naporā, rū guxŭētūwa nangēxma, rū guxŭmaā inacuèx. Rū yemaācū nixī ga nuxcūmaxŭchima, rū ngēmaācū nixī i ñuxmax, rū guxŭgutáma ngēmaācū yīī.

Rū nuāma pexna,
Yuda

**Tupanaarü Ore i Tóru Cori ya Ngechuchu ya
Cristuchiga
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

9d5dc22a-30be-5d26-85a9-76047f4c89e6